

Cyngor Sir Ynys Môn

Adroddiad i:	Pwyllgor Gwaith
Dyddiad:	23 Medi 2025
Pwnc:	Adroddiad Monitro'r Cerdyn Sgorio – Chwarter 1 (2025/26)
Aelod(au) portffolio:	Y Cyngorydd Carwyn E Jones, Deilydd Portffolio Trawsnewid
Pennaeth gwasanaeth / cyfarwyddwr:	Carys Edwards
Awdur yr adroddiad:	Gwyndaf Parry GwyndafParry@ynysmon.llyw.cymru
Aelodau lleol:	Amherthnasol

A – Argymhellion a rhesymau

1.1 Hwn yw'r cerdyn sgorio newydd ar gyfer y flwyddyn ariannol 2025/26. Mae'n dangos perfformiad y Cyngor yn erbyn ei amcanion strategol fel yr amlinellwyd yn Cynllun y Cyngor.

1.2 Mae'r adroddiad yn tynnu sylw at rai straeon cadarnhaol mewn perthynas â pherfformiad chwarter 1. Mae rhai o'r uchafbwyntiau hyn yn cynnwys:

- Mae 256 o gleientiaid bellach yn rheoli eu gofal drwy Daliadau Uniongyrchol, cynnydd o 21% o'i gymharu â Ch1 24/25 (212 o gleientiaid)
- Cafwyd bron i 147,000 o gymryd rhan mewn gweithgareddau Môn Actif yn ystod y chwarter
- Gwnaeth presenoldeb mewn ysgolion Cynradd (93.2%) ac Uwchradd (88.2%) wella o gymharu â'r flwyddyn flaenorol (92% ac 87% yn y drefn honno)
- Mae nifer y ceisiadau am gymorth digartrefedd (asesiadau adran 62) wedi gostwng o 185 yn 24/25 i 117 yn 25/26.
- Mae'r dangosyddion cynllunio gyda thargedau (dangosyddion Economi 5 a 6) yn Wyrdd yn rhagori yn erbyn targedau ar gyfer y chwarter
- Mae cyfanswm allyriadau carbon (156.5 tCO₂e gan gynnwys WTT) o fflyd y cyngor 3.5% yn llai na'r flwyddyn flaenorol

1.3 Gofynnir i'r Pwyllgor gytuno'r cerdyn sgorio a nodi'r meysydd o welliannau ynghyd â'r meysydd mae'r Tîm Arweinyddiaeth yn eu harchwilio er mwyn rheoli a sicrhau gwelliant pellach yn y dyfodol.

1.4 Argymhellir y rhain fel a ganlyn:

1.4.1 Tai - 03) Nifer y dyddiau calendr a gymerwyd ar gyfartaledd i ail-osod unedau llety (ac eithrio Eiddo Anodd eu Gosod);

1.4.2 Tai – 04) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl (DFG)– addasiadau (£1k-10k);

1.4.3 Tai – 04) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl (DFG)– addasiadau (>£10k);

1.4.4 Newid Hinsawdd – 02) Canran y gwastraff domestig a gafodd ei aildddefnyddio, ailgylchu neu gompostio;

1.4.5 Iechyd Cyngor Cyfan - 12) % y Ceisiadau Rhyddid Gwybodaeth (FOI) a dderbyniodd ymateb o fewn y cyfnod amser.

B – Pa opsiynau eraill bu i chi ystyried a beth oedd y rhesymau am eu gwrthod ac/neu am ddewis yr opsiwn hwn?

Amh.

C – Pam fod hwn yn benderfyniad i'r Pwyllgor Gwaith?

Mae'r mater hwn wedi ei ddirprwyo i'r Pwyllgor Gwaith

Ch – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydi

D – A yw'r penderfyniad hwn oddi fewn i'r gyllideb a gymeradwywyd gan y Cyngor?

Ydi

Dd – Asesu'r effeithiau posibl (os yn berthnasol)

1. Sut mae'r penderfyniad yma'n effeithio ar ein hanghenion hirdymor fel ynys?

Mae'r adroddiad y Cerdyn Sgorio Corfforaethol yn rhoi cipolwg ar berfformiad yn erbyn amcanion strategol Cynllun y Cyngor ar ddiwedd pob chwarter.

2. A yw hwn yn benderfyniad a ragwelir y bydd yn atal costau / dibyniaethau ar y Cyngor i'r dyfodol? Os felly, sut?

Gallai perfformiad rhai dangosyddion perfformiad o bosibl gael effaith ar gostau yn y dyfodol, ond mae mesurau lliniaru a gynigir yn ceisio lliniaru'r pwysau hyn.

3. A ydym wedi cydweithio â sefydliadau eraill i ddod i'r penderfyniad hwn? Os felly, rhowch wybod gyda phwy.

Ymgwymerir ag elfennau o'r gwaith sy'n cael ei fonitro yn y Cerdyn Sgorio mewn modd cydweithredol â sefydliadau eraill fel Bwrdd Iechyd Prifysgol Betsi Cadwaladr, Llywodraeth Cymru, Cadwch Gymru'n Daclus, Chwaraeon Cymru, ymhlith eraill.

4. A yw dinasyddion Ynys Môn wedi chwarae rhan wrth ddrafftio'r ffordd hon ymlaen, gan gynnwys y rheini y byddai'r penderfyniad yn cael effaith uniongyrchol arnynt? Esboniwch sut.

Amh

5. Nodwch unrhyw effeithiau posibl y byddai'r penderfyniad hwn yn ei gael ar y grwpiau a warchodir dan Ddeddf Cydraddoldeb 2010.

Amh

6. Os yw hwn yn benderfyniad strategol, nodwch unrhyw effeithiau posibl y byddai'r penderfyniad yn ei gael ar y rhai sy'n profi anfantais economaidd-gymdeithasol.

Amh

7. Nodwch unrhyw effeithiau posibl y byddai'r penderfyniad hwn yn ei gael ar gyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg.

Amh

E – Gyda phwy yr ymgynghoroch a beth oedd eu sylwadau?

1. Prif Weithredwr / Tîm Arweinyddiaeth (gorfodol)	Ystyriwyd y mater hwn gan yr Tîm Arweinyddiaeth ac adlewyrchir eu sylwadau yn yr adroddiad
2. Cyllid / Swyddog 151	Sylwadau wedi ymgorffori yn yr adroddiad
3. Cyfreithiol / Swyddog Monitro (gorfodol)	Sylwadau wedi ymgorffori yn yr adroddiad
4. Adnoddau Dynol	Sylwadau wedi ymgorffori yn yr adroddiad
5. Eiddo	
6. Technoleg Gwybodaeth	
7. Caffael	
8. Sgriwtini	Ystyriwyd y mater hwn gan y Pwyllgor Sgriwtini Corfforaethol ar y 17/9. Bydd cadeirydd y pwyllgor yn adrodd yn ôl yn y cyfarfod hwn.
9. Aelodau Lleol	

F – Atodiadau

Atodiad A – Adroddiad Cerdyn Sgorio Chwarter 1
--

Ff – Papurau cefndirol (cysylltwch ag awdur yr adroddiad am fwy o wybodaeth)

- | |
|---|
| <ul style="list-style-type: none"> • Cynllun y Cyngor 2023-2028 • Cerdyn Sgorio Ch4 24/25 |
|---|

Cerdyn Sgorio Corfforaethol 2025/26

Adroddiad Chwarter 1

Paratowyd gan – Gwasanaeth Trawsnewid

Dyddiad cyhoeddi: Medi 2025

Mae'r ddogfen hon ar gael yn Saesneg / This document is available in English

1. Cyflwyniad

- 1.1 Mae Cynllun y Cyngor 2023-28 yn nodi chwe amcan strategol ac yn nodi'r camau gweithredu a'r ymrwymadau allweddol ar gyfer y pum mlynedd nesaf.



Welsh Language



Social Care and Wellbeing



Education



Housing



Economy



Climate Change



Cynllun y Cyngor 2023 i 2028

- 1.2 Defnyddir yr adroddiad cerdyn sgorio i fonitro perfformiad ein Dangosyddion Perfformiad Allweddol (DPA) ar gyfer 2024/25 wrth gyflawni gweithgareddau dydd i ddydd y Cyngor sy'n sail i gyflawni Cynllun y Cyngor.
- 1.3 Mae nifer o DPA yn newydd (wedi'u nodi gan [N] yn y teitlau), nid oes gan rhai ohonynt dargedau ar hyn o bryd ac maent yno i osod gwaelodlin, gyda rhywfaint o ddata ddim ar gael tan yn hwyrach yn y flwyddyn. Bydd tueddiadau'n cael eu monitro o Ch2 yn ystod 2025/26 gyda'r nod o osod targedau yn 2026/27 lle bo'n briodol.
- 1.4 Mae'n darparu'r dystiolaeth i alluogi'r Cyngor i fonitro ei berfformiad a bod yn wybodus o ddata wrth nodi unrhyw gamau lliniaru y cytunwyd arnynt gan y Tîm Arweinyddiaeth i ysgogi a sicrhau gwelliannau perfformiad yn y dyfodol.
- 1.5 Mae'r canlyniadau o fewn y cerdyn sgorio i gyd yn gronnol ac felly mae colofn tuedd ar gael o Ch2 i hysbysu'r tueddiadau perfformiad o un chwarter i'r llall chwarter.
- 1.6 Gellir gweld y statws CAG ar gyfer bob adran o'r cerdyn sgorio, ac eithrio rheolaeth ariannol sy'n cael ei gwblhau o safbwynt barn broffesiynol, isod:
- Coch – mwy na 10% yn is na'r targed a/neu angen ymyrraeth sylweddol
 - Ambr – rhwng 5% a 10% yn is na'r targed a/neu angen peth ymyrraeth
 - Melyn – o fewn 5% i'r targed
 - Gwyrdd – wedi cyrraedd y targed, neu wedi mynd y tu hwnt iddo.

2. Trosolwg

2.1 Mae mwyafrif (90%) o'r dangosyddion sydd â thargedau sy'n cael eu monitro yn perfformio'n dda yn erbyn eu targedau (Gwyrdd neu Felyn).

2.2 Mae pum dangosydd ar hyn o bryd yn Goch neu'n Ambr yn erbyn eu targedau:

2.2.1 Tai - 03) Nifer y dyddiau calendr a gymerwyd ar gyfartaledd i ail-osod unedau llety (ac eithrio Eiddo Anodd eu Gosod) – COCH – 89 diwrnod, Targed – 51 diwrnod

Mae hwn yn ddangosydd newydd ar gyfer y flwyddyn. Yn flaenorol, roedd y cerdyn sgorio yn adrodd ar fesur tebyg a oedd yn cynnwys ail-osodiadau ac eiddo newydd. Yn dilyn trafodaethau gyda darparwyr tai eraill ledled Gogledd Cymru, daeth yn amlwg nad oedd eiddo newydd yn cael eu cynnwys yn eu cyfrifiadau. Er mwyn sicrhau cysondeb â'n partneriaid rhanbarthol ac i gyd-fynd â'r canllawiau, mae'r dangosydd hwn bellach yn mesur dim ond ail-osod eiddo presennol.

Mewn ymateb i'r dull cyfrifo diwygiedig, cynhaliodd y gwasanaeth adolygiad trylwyr o'i brosesau, gan arwain at nifer o welliannau. Cyn y newidiadau hyn, roedd yr amseroedd ail-osod tua 101 ar gyfartaledd. Ers cyflwyno'r prosesau newydd ym mis Ebrill, mae perfformiad wedi gwella'n sylweddol, gyda'r amseroedd ail-osod bellach tua 54 diwrnod ar gyfartaledd. Mae hyn wedi cyfrannu at gyfartaledd am Ch1 o 89 diwrnod.

Bydd y gwasanaeth yn parhau i ymgorffori a mireinio'r prosesau hyn. Yn seiliedig ar y canlyniadau cadarnhaol cynnar, rhagwelir gwelliant pellach yn y dangosydd hwn dros gyfnod y flwyddyn.

2.2.2 Tai – 04) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl (DFG)– addasiadau (£1k-10k) - AMBR - 205 diwrnod, Targed - 190 diwrnod
ac

Tai – 05) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl (DFG) - addasiadau (>£10k) – COCH – 285 diwrnod, Targed - 221 diwrnod

Oherwydd y perygl o wario dros y gyllideb, rhoddwyd seibiant ar gymeradwyo ceisiadau newydd ym mis Tachwedd 2024. Cafodd hyn effaith pan ddechreuodd y gwasanaeth gymeradwyo eto tuag at ddiwedd Ch4 24/25. Yn anffodus, roedd y

contractwyr llwyddiannus eisoes wedi symud ymlaen i brosiectau eraill, a arweiniodd at oedi wrth ddechrau contractau. Er cynnydd bach yn y nifer o gontractwyr sydd ar gael yn lleol, nid yw hyn wedi arwain at llawer ohonynt yn ennill tendrau DFG.

Er cyd-destun, cwblhawyd 9 eiddo gydag addasiadau 'canolig' a 2 eiddo gyda addasiadau 'mawr' yn ystod Ch1. Mae'r cyngor yn parhau'n ymrwymedig i leihau nifer cyfartalog y diwrnodau calendr i gyflawni GCA

2.2.3 Newid Hinsawdd – 02) Canran y gwastraff domestig a gafodd ei aildddefnyddio, ailgylchu neu gompostio – COCH - 65.95%, Targed - 70%

Roedd perfformiad Ch1 ar gyfer y dangosydd hwn yn 65.95% yn erbyn targed o 70%, sy'n cynrychioli dirywiad o gymharu â 67.52% yn Ch1 2024/25 a 69.72% yn Ch1 2023/24.

Cafodd gwastraff gweddilliol a gasglwyd yn ystod y cyfnod ei leihau o 281 tonnall o'i gymharu â'r flwyddyn flaenorol, sy'n ganlyniad cadarnhaol. Fodd bynnag, oherwydd y tywydd sych casglwyd 276 tonnall yn llai o wastraff gwyrdd, a gafodd effaith negyddol ar y gyfradd ailgylchu a chompostio gyffredinol. Disgwylir effaith dymhorol debyg yn Ch2.

Er mwyn lliniaru ac i geisio gwella'r gyfradd, bydd y cyngor yn parhau â'i nod o leihau gwastraff cyffredinol ac annog mwy o ailgylchu drwy gydweithio â'r cymunedau lleol i addysgu trigolion. Mae hon yn strategaeth hirdymor sy'n gofyn am newid ymddygiad parhaus, felly bydd gwelliannau'n raddol yn hytrach nag yn syth.

Mae'r cyngor wedi sefydlu bwrdd rhaglen i drafod pa fesurau lliniaru pellach y gellir eu rhoi ar waith. Bydd unrhyw newidiadau sylweddol a nodir gan y bwrdd yn cael eu trafod gan y Pwyllgor Gwaith a'r Pwyllgorau Sgriwtini cyn gwneud unrhyw newidiadau.

2.2.4 Iechyd Cyngor Cyfan - 12) % y Ceisiadau Rhyddid Gwybodaeth (FOI) a dderbyniodd ymateb o fewn y cyfnod amser – COCH – 74%, Targed – 90%

Cafwyd 214 o geisiadau yn ystod Ch1 a 55 o'r ceisiadau hynny yn hwyr. Mae'r Cyngor yn parhau'n ymrwymedig i gynyddu'r gyfradd ymateb i geisiadau FOI, fodd bynnag, mae gwaith i symud ceisiadau FOI i system ar-lein wedi'i ohirio oherwydd diffyg capasiti i brofi a datblygu'r system. Mae'r system bellach wedi'i hamserlennu i fod ar waith yn ystod Ch3 ac fe gredir y dylai'r system ar-lein newydd wella'r perfformiad yn y tymor hir. Mae rhywfaint o ostyngiad mewn capasiti o fewn y gwasanaethau i ddelio â thasgau FOI hefyd yn sicrhau bod cyrraedd y targed o 90% yn un heriol.

2.3 Mae rhai enghreifftiau o'r perfformiad da a welwyd yn ystod y flwyddyn yn cynnwys:

- 2.3.1 Mae 256 o gleientiaid bellach yn rheoli eu gofal drwy Daliadau Uniongyrchol, cynnydd o 21% o'i gymharu â Ch1 24/25 (212 o gleientiaid)
- 2.3.2 Cafwyd bron i 147,000 o gymryd rhan mewn gweithgareddau Môn Actif yn ystod y chwarter
- 2.3.3 Gwnaeth ffigurau presenoldeb mewn ysgolion Cynradd (93.2%) ac Uwchradd (88.2%) wella o gymharu â'r flwyddyn flaenorol (92% ac 87% yn y drefn honno)
- 2.3.4 Mae nifer y ceisiadau am gymorth digartrefedd (asesiadau adran 62) wedi gostwng o 185 yn 24/25 i 117 yn 25/26.
- 2.3.5 Mae'r dangosyddion cynllunio gyda thargedau (dangosyddion Economi 5 a 6) yn Wyrdd yn rhagori yn erbyn targedau ar gyfer y chwarter
- 2.3.6 Mae cyfanswm allyriadau carbon (156.5 tCO₂e gan gynnwys WTT) o fflyd y cyngor 3.5% yn llai na'r flwyddyn flaenorol

3. Yr Iaith Gymraeg



	Ch1	Targed Ch1	CAMG Ch1	Ch1 2024/25	Sylwadau Ch1
01) Canran o swyddi hysbysebair gan y Cyngor gyda'r gofyniad iaith Gymraeg lefel 3 ac uwch [N]	85%	82%	G	82%	137 o swyddi hysbysebair ar lefel 3 ac uwch
02) Nifer swyddogion sydd yn derbyn hyfforddiant iaith Gymraeg	50	43	G	43	
03) Nifer o gwynion sydd yn creu amheuaeth o fethiant i gwrdd â safonau iaith Gymraeg	0	2	G	2	Dim cwynion yn ystod Ch1
04) Nifer o gwynion arweiniodd at ymchwiliad statudol gan Gomisiynydd y Gymraeg	1			0	Un ymchwiliad yn erbyn cwyn a gododd yn 24/25
05) Canran o ymweliadau â rhyngwyneb ein prif wefan yn Gymraeg	9%	9%	G	8%	Ychydig mwy o ymweliadau i gymharu â Ch1 24/25
06) Canran yr ymatebion i ymgynghoriadau swyddogol a wnaed yn Gymraeg	-	8%	-	15%	Dim ymgynghoriad swyddogol wedi cwblhau yn Ch1
07) Canran y dilynwyr sy'n dilyn ochr Gymraeg prif gyfrifon cyfryngau cymdeithasol y Cyngor	23%	23%	G	23%	
08) Canran y disgyblion blwyddyn 11 sy'n astudio'r Gymraeg [iaith gyntaf]				68%	Data ar gael yn Ch3
09) Uned iaith - % o blant yn cyrraedd eu disgwyliadau (trochi) [N]					Data ar gael yn Ch3
10) Nifer busnesau yn derbyn cefnogaeth iaith Gymraeg [N]					Data ar gael yn Ch3



4. Gofal Cymdeithasol a Lleisiant

	Ch1	0	CAMG Ch1	Ch1 2024/25	Sylwadau Ch1
01) Nifer yr oedolion sy'n derbyn Taliadau Uniongyrchol	256	224	G	212	Cynnydd o 21% mewn blwyddyn
02) Canran yr ymholiadau amddiffyn oedolion a gwblhawyd o fewn yr amserlen statudol	96.34%	90%	G	89%	
03) Canran yr oedolion sydd wedi derbyn cyngor a chymorth gan y gwasanaeth gwybodaeth, cyngor a chymorth ac sydd heb gysylltu â'r gwasanaeth yn ystod y 6 mis dilynol	88.07%	85%	G	95%	
04) Nifer y bobl hŷn (65 oed a hŷn) y mae'r awdurdod yn eu cefnogi mewn cartrefi gofal	295	335	G	289	
05) Canran y rhai sy'n ofalwyr i oedolion a ofynnodd am asesiad neu adolygiad ac a gafodd asesiad neu adolygiad iddyn nhw eu hunain yn ystod y flwyddyn	98.20%	93%	G	94%	
06) Yr amser y mae'r holl blant sy'n dal i fod ar y Gofrestr Amddiffyn Plant wedi'i dreulio ar y gofrestr ar gyfartaledd, fel ac yr oedd pethau ar ddiwedd y chwarter	163	270	G	142	
07) Plant a gafodd eu Hail-gofrestru ar y Gofrestr Amddiffyn Plant o fewn 12 mis ar ôl cael eu tynnu oddi ar y gofrestr	3.57%	15%	G	0	
08) Canran y cyfeiriadau plant sy'n cael eu hail-gyfeirio o fewn 12 mis	7.69%	15%	G	7.5%	
09) Canran yr ymweliadau statudol â phlant mewn gofal a oedd i fod i ddigwydd yn ystod y flwyddyn a gynhaliwyd yn unol â'r rheoliadau	90.61%	90%	G	94%	
10) Canran y Cynlluniau Llwybr Cychwynnol a oedd i fod i gael eu cwblhau yn ystod y flwyddyn a gwblhawyd o fewn yr amserlenni	100%	85%	G	100%	
11) Nifer o ymweliadau a Chanolfannau Hamdden	129096	130232	M	130704	
12) Nifer o bobl wedi ymwneud a gweithgareddau Mon Actif [N]	146746	140232	G		
13) Canran o rieni sy'n teimlo eu bod wedi gweld cynnydd yn dilyn cwblhau y rhaglen Positive Parenting Programme (PPP) [N]					Data ar gael yn Ch4

5. Addysg



	Ch1	Targed Ch1	CAMG Ch1	Q1 2024/25	Sylwadau Ch1
01) Canran presenoldeb disgyblion mewn ysgolion cynradd (pob tymor)	93.2%	95%	M	92%	Data ar gyfer blwyddyn academaidd 24/25
02) Canran presenoldeb disgyblion mewn ysgolion uwchradd (pob tymor)	88.2%	90%	M	87%	Data ar gyfer blwyddyn academaidd 24/25
03) Canran gadawyr Blwyddyn 11 sydd ddim mewn Addysg, Hyfforddiant neu Gyflogaeth [NEET]					Data ar gael yn Ch4
04) Nifer yr ysgolion mewn Categori Dilydol / Statudol gan Estyn	1			1	
05) Nifer y plant a phobl ifanc sydd wedi cael eu gwahardd o'r ysgol yn barhaol	23			14	Data ar gyfer blwyddyn academaidd 24/25
06) Nifer / cyfran yr ysgolion â chynllun adfer ariannol	6	6	G	6	
07) Canran yr oedolion sy'n credu, ar y cyfan, fod y gwasanaeth llyfrgell maen nhw'n ei ddefnyddio yn 'dda iawn' neu'n 'dda' [N]					Data ar gael yn Ch4
08) Y sgôr cyfartalog gyffredinol allan o ddeg a roddwyd gan ddefnyddwyr 16 oed neu iau ar gyfer y gwasanaeth llyfrgell y maent yn ei ddefnyddio [N]					Data ar gael yn Ch4
09) CDU - canran o blant sy'n cyrraedd eu targedau [N]					Data ar gael yn Ch3
10) Nifer y plant sydd wedi symud i fyny, neu wedi cwblhau, Rhaglen Nofio Môn. [N]	924	720	G		



6. Tai

	Ch1	Targed Ch1	CAMG Ch1	Q1 2024/25	Sylwadau Ch1
01) Gwasanaethau landlordiaid: Nifer y diwrnodau a gymerwyd ar gyfartaledd i gwblhau atgyweiriadau ymatebol	15	18	G		
02) Canran y tenantiaid a oedd yn fodlon â'r atgyweiriadau ymatebol	84%	85%	M	88%	
03) Nifer y dyddiau calendr a gymerwyd ar gyfartaledd i ail-osod unedau llety (ac eithrio Eiddo Anodd eu Gosod) [N]	89	51	C		Cyflwynwyd prosesau newydd ym mis Ebrill. Cyn y prosesau newydd, roedd yn cymryd cyfartaledd o 101 diwrnod i gwblhau ailosodiadau. Ers Ebrill, mae hyn wedi gostwng i gyfartaledd o 54 diwrnod, gan ddod â'r cyfartaledd cyffredinol o eiddo a ail-osodwyd yn Ch1 i 89 diwrnod
04) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl – addasiadau (£1k-10k)	205	190	A	185	Cwblhawyd 9 o addasiadau chanolig yn Ch1
05) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl - addasiadau (>£10k)	285	221	C	-	Cwblhawyd 2 o addasiadau mawr yn Ch1
06) Nifer y Tai Cyngor a ddatblygwyd o'r newydd a nifer yr hen Dai Cyngor a brynwyd yn ôl i'w gosod fel Tai Cyngor	4	4	G	22	
07) Cyfanswm dyledion rhent tenantiaid cyfredol fel canran o gyfanswm y rhent y mae modd ei gasglu drwy lety parhaol	3.19%	3.10%	M	3%	
08) Nifer yr eiddo gwag preifat a ddaethpwyd yn ôl i ddefnydd drwy'n hymyraethau Tai Gwag	15	15	G	16	
09) Canran yr aelwydydd a ataliwyd rhag mynd yn ddigartref	80%	85%	M	83%	
10) Nifer y ceisiadau am gymorth gyda digartrefedd (asesiadau adran 62)	117			185	Mae nifer y ceisiadau wedi gostwng o 185 yn 24/25 i 117 yn 25/26
11) Nifer yr Aelwydydd mewn Llety Brys a Dros Dro ar hyn o bryd	79			85	

7. Economi



	Ch1	Targed Ch1	CAMG Ch1	Q1 2024/25	Sylwadau Ch1
01) % grant economaidd a datblygu / adfywio a dderbyniwyd ac a ddefnyddiwyd	70%			38%	
02) Gwariant (cyfalaf a refeniw) ar brosiectau isadeiledd, datblygu economiadd ac adfywio (£) [N]	£1.653m				
03) Canran yr unedau busnes a masnachol osodwyd gan y Cyngor [N]	95%	90%	G		
04) Cyfanswm y cwsmeriaid â chytundeb angori blynyddol	100	105	M	179	
05) Canran yr holl geisiadau cynllunio a benderfynwyd mewn pryd	94%	90%	G	97%	154 o geisiadau cynllunio wedi'u penderfynu mewn pryd
06) Canran y ceisiadau gorfodi cynllunio a ymchwiliwyd iddynt o fewn 84 diwrnod	87%	80%	G	97%	
07) Canran y busnesau risg uchel sy'n cael eu harchwilio'n rheolaidd a archwiliwyd i sicrhau eu bod yn cydymffurfio â'r Ddeddfwriaeth Hylendid Bwyd	85%	90%	M	71%	
08) Canran y sefydliadau bwyd sy'n cyrraedd y safonau hylendid bwyd	99%	95%	G	98%	
09) Nifer o bobl wedi eu cefnogi i baratoi ar gyfer byd gwaith, drwy ymyraethau SPF [N]	162				

8. Newid Hinsawdd



	Ch1	Targed Ch1	CAMG Ch1	Q1 2024/25	Sylwadau Ch1
01) Cyfanswm yr allyriadau carbon sy'n dod o adeiladu'r cyngor (tCO2e)					Data ar gael yn Ch4
02) Canran y gwastraff domestig a gafodd ei aildddefnyddio, ailgylchu neu gompostio	65.95%	70%	C	67.52%	Roedd 276T yn llai o wastraff gwyrdd wedi cael ei gompostio o'i gymharu â Ch1 24/25 oherwydd y tywydd sych. Ar y ochr bositif, roedd gwastraff gweddilliol hefyd i lawr 281T o'i gymharu â 24/25
03) Canran y gwastraff a gafodd ei aildddefnyddio, ailgylchu neu gompostio o adeiladu'r Cyngor	46%			48.3%	Mae'r gyfradd wedi gostwng o'i gymharu â Ch1 2024/25
04) Canran y strydoedd sy'n lân	100%	96%	G	96.6%	
05) Nifer y dyddiad a gymerwyd ar gyfartaledd i glirio digwyddiadau tipio anghyfreithlon	0.01	1	G	0.04	
06) Canran y prif ffyrdd A sydd mewn cyflwr gwael (blynyddol)					Data ar gael yn Ch3
07) Canran y ffyrdd B sydd mewn cyflwr gwael (blynyddol)					Data ar gael yn Ch3
08) Canran y ffyrdd C sydd mewn cyflwr gwael (blynyddol)					Data ar gael yn Ch3
09) Cyfanswm allyriadau carbon fflyd y Cyngor (tCO2e inc WTT)	156.5	162	G	162	
10) Nifer o Ysgolion yn cymryd rhan mewn cynlluniau Newid Hinsawdd wedi eu achredu [N]					Data ar gael yn Ch2
11) Nifer o systemau gwresogi carbon isel wedi eu gosod yn adeiladau y Cyngor [N]	76,786				Byddai 76,876kWh yn pweru car trydan am tua 255,000 o filltiroedd.

9. Iechyd Cyngor Cyfan

	CAMG	Cyllideb	Canlyniad	Amrywiant (%)	Rhagolygon o'r Gwariant	Amrywiant a Ragwellir (%)
01) Alldro a ragwelir ar ddiwedd y flwyddyn (Refeniw)	G	£192,981,000			£192,376,000	-0.31%
02) Alldro a ragwelir ar ddiwedd y flwyddyn (Cyfalaf)		£56,186,135			£54,789,561	-2.49%
03) Incwm yn erbyn Targedau (ac eithrio grantiau)	G	-£4,282,870	-£5,213,419	21.73%		
04) Balansau cyffredinol a ragwelir ar ddiwedd y flwyddyn					-£17,258,000	
05) Cost benthyca - % y gwariant refeniw a gyllidwyd ar ei gyfer	G	1.9%			1.9%	
06) Nifer y Gwasanaethau a ragwelir yn gorwario mwy na 5% o'u cyllideb					5	
07) % y Dreth Gyngor a gasglwyd (ar gyfer y 3 mis diwethaf)	M		91.0%			
08) % y Mân Ddyledion a gasglwyd (ar gyfer y 3 mis diwethaf)	M		96.8%			

	Ch1	Targed Ch1	CAMG	Sylwadau Ch1
09) Cyfanswm y cwynion cam 2 a gafodd eu cadarnhau / cadarnhau'n rhannol	1	3	G	Un cwyn wedi eu cadarnhau/cadarnhau'n rhannol o'r tri cwyn
10) Cyfanswm % y cwynion cam 2 a gafodd ymateb ysgrifenedig fewn 20 diwrnod (Corfforaethol)	100%	80%	G	
11) Cyfanswm % y cwynion a gafodd ymateb ysgrifenedig fewn 15 diwrnod (Gwasanaethau Cymdeithasol)	80%	80%	G	Roedd un cwyn cam 1 yn hwyr ond roedd amser ychwanegol wedi cytuno gyda'r achwynydd
12) % y ceisiadau Rhyddid Gwybodaeth a dderbyniodd ymateb o fewn y cyfnod amser	74%	90%	C	55 o'r 214 cais FOI yn hwyr
13) Cyfran yr ymholiadau a gafodd eu datrys a'u cau gan Cyswllt Môn (heb eu hanfon ymlaen at Wasanaeth)	32%			
14) Nifer y staff yn yr awdurdod cyfan, gan gynnwys athrawon a staff mewn ysgolion (FTE)	2376			
15) Absenoldeb Salwch - dyddiau / shifftiau gwaith a gollwyd ar gyfartaledd	1.93	2.12	G	
16) Salwch Tymor Byr - dyddiau / shifftiau gwaith a gollwyd ar gyfartaledd fesul FTE	0.92			
17) Salwch Tymor Hir - dyddiau / shifftiau gwaith a gollwyd ar gyfartaledd fesul FTE	1.01			
18) Gweithwyr sydd wedi gadael yr Awdurdod Lleol (%) (Trosiant)				
19) % y swyddi a gafodd eu hysbysebu a'u llenwi ar ôl cael eu hysbysebu unwaith	78%	70%	G	49 o swyddi wedi llenwi ar ôl yr hysbyseb cyntaf

10. Casgliad ac Argymhellion

- 10.1 Mae'r perfformiad o 90% o'r dangosyddion perfformiad yn well neu o fewn 5% i'w targedau ar gyfer y chwarter yn gadarnhaol.
- 10.2 Mae'n dangos bod gwasanaethau'n gweithredu yn unol â gwerthoedd ac egwyddorion cyffredinol y Cyngor.
- 10.3 **Argymhelliad – bod y Tîm Arweinyddiaeth yn rheoli, ymchwilio a sicrhau gwelliannau i'r dyfodol ar gyfer y DPA a ganlyn:**
 - 10.3.1 Tai - 03) Nifer y dyddiau calendr a gymerwyd ar gyfartaledd i ail-osod unedau llety (ac eithrio Eiddo Anodd eu Gosod);
 - 10.3.2 Tai – 04) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl (DFG)– addasiadau (£1k-10k);
 - 10.3.3 Tai – 04) Nifer y dyddiau calendr a gymerwyd ar gyfartaledd i ddarparu Grantiau Cyfleusterau i'r Anabl (DFG)– addasiadau (>£10k);
 - 10.3.4 Newid Hinsawdd – 02) Canran y gwastraff domestig a gafodd ei aildddefnyddio, ailgylchu neu gompostio;
 - 10.3.5 Iechyd Cyngor Cyfan - 12) % y Ceisiadau Rhyddid Gwybodaeth (FOI) a dderbyniodd ymateb o fewn y cyfnod amser.